



ZESTOAKO UDALA

ZESTOAKO UDALEKU IREKIAK 2019: BEGIRALEEN LAN-POLTSA

1. Deialdiaren xedea.

Deialdi honen xedea da Zestoako Udalak antolatzen dituen udaleku irekietako begiraleak kontratatzeko lan-poltsa lehiaketa bidez osatzea.

Kontratuaren iraupena hiru edo lau astetako izango da, ekainaren 24tik uztailaren 19ra bitartean; eta lanaldia, Udalak aipaturako programari aurre egiteko beharrak kontuan izanik ezarriko duena izango da.

2. Izangaien baldintzak.

Onartua izateko eta lehiaketan parte hartu ahal izateko, baldintza hauek bete beharko dira:

- 18 urte beteta izatea edo 2019an betetzea.
- Derrigorrezko Bigarren Hezkuntza tituluaren jabe izatea.
- Gaixotasunik ez edukitzea, ezta akats fisiko nahiz psikikorik, postuan bete behar diren funtzioak betetzea galaraziko lukeenik. Beharrezkoa izanez gero medikuntxostena eskatuko da.
- Europako Batasuneko edozein estatuko edota hitzartutako herrialde bateko nazionalitatea edukitzea, abenduaren 29ko 55/1999 Legearen 37. artikuluan xedatutakoaren arabera.
- Euskara jakitea: mintzatzeko trebetasuna izatea. Beharrezkoa ikusiz gero, azterketa egingo zaio izangaiari trebetasun hau frogatzeko.
- Diziplinazko espedientea dela medio, Estatuko, Autonomia Erkidegoko nahiz udal erakunde publikoen menpeko lanetik banandua ez izana, ezta ere herri eginkizunetan aritzeko.
- Izendatua suertatuko balitz, abenduaren 26ko 53/1984 Legeak bateraezintzat jotako lanetan ez aritzea lanpostuaz jabetzeko egunean.
- Natura sexualeko delituengatiko aurrekari penalik ez izatea.

Eskatzen diren baldintza hauek izena emateko epea amaitzen denerako beteta eduki behar dira.

3. Eskabideak eta dokumentazioa.

Eskabideak **apirilaren 12a** baino lehen aurkeztu beharko dira, toki hauetako batean:

- Zestoako Udaleko Erregistroan (Foruen plaza 1, 20740 Zestoa).
- Posta-bulego batean. Eskabidea zuzen aurkezteko, gutun-azal ireki batean eraman behar da posta-bulegora, bertako langileak data eta zigilua jartzeko, aurkezteko epearen barruan. Horrela bakarrik ulertuko da eskabidea posta-bulegoan utzi zen egunean izan duela sarrera Zestoako Udaleko Erregistroan.



ZESTOAKO UDALA

- Zestoako Udalaren www.zestoa.eus egoitza elektronikoaren erregistro elektronikoaren bidez.

Aurkeztu beharreko dokumentazioa ondokoa izango da:

- Eskabide-orria beteta (ikus eranskina).
- Natura sexualeko delituen gabeziaren ziurtagiria edo erantzukizunezko adierazpena (ikus eranskina).
- Nortasun agiriaren fotokopia konpultsatua.
- Derrigorrezko Bigarren Hezkuntza tituluaren fotokopia konpultsatua.
- Lehiaketan baloratzen diren merituetako agirien fotokopia konpultsatuak.

OHARRA: berriak diren agiri edo tituluak bakarrik aurkeztu beharko dira, aurrez Udalean aurkeztu ez direnak.

4. Epaimahai kalifikatzailea.

Epaimahai kalifikatzailea honela osatuta egongo da:

LEHENDAKARIA: Zestoako Udaleko gazteria dinamizatzailea. Ordezkoa: Zestoako Udaleko ingurugiro teknikaria.

EPAIMAHAIKIDEAK:

- Zestoako Udaleko kirol dinamizatzailea. Ordezkoa: Zestoako Udaleko gizarte langilea.
- Zestoako Udaleko euskara teknikaria. Ordezkoa: Zestoako Udaleko koordinatzailea.
- Zestoako Udaleko kultur teknikaria. Ordezkoa: Zestoako Udaleko administrari bat.

IDAZKARIA: Zestoako Udaleko idazkari-kontuhartzailea. Ordezkoa: Zestoako Udaleko administrari bat.

Epaimahaia ezin daiteke eratu ez jardun, kideen erdiak, titular nahiz ordezko, baino gehiago bertaratzen ez baldin badira. Nolanahi ere, lehendakariak eta idazkariak bertan egon beharko dute.

5. Hautaketa prozesua.

Lehiaketa bidez arautuko da hautaketa eta honako meritu hauek baloratuko dira:

Aisialdiko titulazioa:

- Aisialdiko begirale agiria.....6 puntu
- Aisialdiko begirale ikastaroko atal teorikoa.....4 puntu
- Aisialdiko zuzendari agiria.....6 puntu
- Aisialdiko zuzendari ikastaroko atal teorikoa.....4 puntu



ZESTOAKO UDALA

Heziketarekin harremana duten ikasketak (Magisteritza, Pedagogia, Psikologia, Gizarte Hezkuntza, Haur Hezkuntza, Kirol Monitoretza, Gizarte Integrazioa edota Gizarte eta Kultur Animazioa):

- Lizentziatura.....4 puntu
- Gradua.....4 puntu
- Diplomatura3 puntu
- Heziketa Zikloak2 puntu
- Ikasketak amaitu gabeko kasuetan, gainditutako ikasturte bakoitzarengatik puntu 1

Prestakuntza-ikastaroak (gehienez 5 punturekin baloratuko da): aisialdia, jolasa, genero berdintasuna umeen aisialdian, haurren parte-hartzea, etab. bezalako gaiekin lotura duten ikastaroak.

- 4 orduko ikastaro bakoitzarengatik.....0,3 puntu

Euskara maila: EGA edo baliokidea.....3 puntu

Lan-esperientzia:

- Udaleku ireki zein itxietan, 3-18 urte bitartekoen aisialdiko begirale gisa aritu izana..... 0.5 puntu/hamabostaldiko
- Udaleku ireki zein itxietan, 3-18 urte bitartekoen aisialdiko zuzendari edo koordinatzaile gisa aritu izana 0.6 puntu/hamabostaldiko
- Ludoteka, gazteleku, aterpetxe edo baserri-eskola batean, 3-18 urte bitartekoen hezitzaile lanak egiteagatik.....puntu 1/urteko
- Heziketa behar bereziak dituzten haur, nerabe zein gaztekin hezitzaile lanak egiteagatik..... puntu 1/urteko
- Aisialdi talderen bateko kide izatea puntu 1/urteko

Berdinketarik dagoen kasuetan, ordena ezartzeko honako irizpide hauek beteko dira hurrenez hurren:

- Lan-esperientzia.
- Zuzendari edo begirale titulua izatea.
- EGA edo baliokidea izatea.
- Ikasketak.

6. Onartuen eta baztertuen zerrendak:

Epaimahai kalifikatzaileak lortutako puntuazioaren ordenaren araberako zerrenda Alkatetzari igorriko dio; hark hasierako onarpena emango dio zerrendari eta Zestoako Udaleko iragarki taulan eta udaleko webgunean argitaratuko da **maiatzaren 17rako**. Zerrenda ikusgai egongo da 5 eguneko epean, nahi duenak alegazioak egiteko. Epe horretan alegaziorik izan ezean, erabakia behin-betiko onartutzat emango da.



ZESTOAKO UDALA

Zerrenda hau urtean zehar gazteria arloan sor daitezkeen aldi baterako pertsonal beharrei aurre egiteko erabiliko da.

Kontrataturak izateko, ezinbesteko baldintza izango da beharrezkoak diren bilera eta prestaketa egunetan, hau da, **ekainaren 6, 7 eta 14an 17:30-20:00 bitartean, eta ekainaren 13an 17:00-21:00 bitartean**, prestakuntzarako eta programazioa osatzeko aurreikusitako ordu guztietan asistentzia betetzea. Norbaitek egunen batean ezin badu etorri, justifikatutako arrazoi batengatik izan beharko du, eta maiatzaren 22a baino lehen idatziz aurkeztu beharko dizkio bere arrazoiak Zestoako Udalari, azken honek bere egoera baloratu dezan. Baldintza horiek ez betetzeak, hautagaiak zerrendatik kanpo gelditzea ekarriko du automatikoki. Era berean, zerrendatik kanpo gelditzea ekarriko luke, prestaketa bileretan ikusiko balitz prozesuan parte hartzeko baldintza guztiak ez direla betetzen.

Zestoan, 2019ko martxoaren 26an

Josetxo Mendizabal Irigoyen
Alkatea

